

水經注箋卷第四十

漢 桑 欽撰

後魏酈道元 注

明 李長庚訂

孫汝澄

朱謀埠箋

李克家全校

漸江水 斤江水

漸江水出三天子都

山海經謂之浙江也地理志云水出丹陽黟縣南

蠻中北逕其縣

山海經云浙江山出三天子都其在東漢地理志丹揚郡黟縣注云漸

江水出南蠻夷中東入海而郭景純注山海經云浙江出新安黟縣南蠻中東入海今錢唐浙江是

也黟即歙也南有博山山上有石特起十丈上峯若劔

水經注箋

卷四十

杪時有靈鼓潛發官長

舊本作正長

臨縣以山鼓為候

一鳴官長一年若長雷發聲則官長不及

當作不及浙

江又北歷黟山縣居山之陽故縣氏之漢成帝鴻

嘉二年以為廣德國封孫雲客王於此

前漢書成帝紀曰鴻

嘉二年六月立中山憲王孫雲客為廣德王

晉太康中以為廣德縣分

隸宣城郡會稽陳業潔身清行遯跡此山

孔曄會稽志云

陳業上虞人為會稽太守潔身清行志懷霜雪貞亮之信同操柳下遭漢中徵委官棄祿遁跡黟歙

以求其志高邈浙江又北逕歙縣東與一小谿合

水出縣東北翁山西逕故城南又西南入浙江又

東逕遂安縣南谿廣二百步上立杭以相通水甚



清深潭不掩鱗故名新安分歙縣立之晉太康中
又改從今名浙江又左合絕谿谿水出始新縣西
東逕縣故城南為東西長谿谿有四十七瀨濬流
驚急奔波聒天孫權使賀齊討黥歙山賊賊固繫
之林歷山山甚峻絕又工禁五兵齊以鐵棧椽山
升出不意人以白楛擊之氣禁不行遂用奇功平

賊吳志云賀齊為威武中郎將討丹陽黥歙諸賊

賊屯林歷山四面壁立數十丈徑路危狹不容

刀楛齊陰募輕捷士為作鐵棧密於隱險賊所不

備處以戈拓斬山為緣道夜令潛上百數人四面

流布鳴鼓角齊勒兵待之賊謂大軍來悉已得上驚

懼走遂大破之○抱朴子云賀將軍討黥賊賊中

有善禁者每交戰刀劍不得拔弓弩還自向賀曰

吾聞金有刃者可禁蟲有毒者可禁不能禁無刃

水經注箋

卷四十

物矣乃多作勁木白楛選有力者五千於是立始

人先登捉楛擊賊賊不知備所殺萬計

新之尉宋本作於歙之華鄉令齊守之後移出新

亭晉太康元年改曰新安郡谿水東注浙江浙江

又東北逕建德縣南縣北有烏山山下有廟廟在

縣東七里廟渚有大石高十丈孫云當五尺宋本

圍水瀨濬激而能致雲雨浙江又東逕壽昌縣南

自建德至此八十里中有十二瀨瀨皆峻嶮行旅

所難縣南有孝子夏先墓先少喪二親負土成墓

數年不勝卒浙江水又北逕新城縣桐谿注之水

出吳興郡於潛縣北天目山山極高峻崖嶺竦疊

西臨後澗山上有霜木皆是數百年樹謂之翔鳳
林東面有瀑布下注數畝深沼名曰蛟龍池池水
南流逕縣西爲縣之西谿谿水又東南與紫谿合
水出縣西百丈山卽潛山也山水東南流名爲紫
谿中道挾水有紫色磐石石長百餘丈望之如朝
霞又名此水爲赤瀨蓋以倒影在水故也紫谿又
東南流逕白山之陰山甚峻極北臨紫谿又東南
連山挾水兩峯交峙反項對石往往相捍十餘里
中積石磊砢相挾而上澗下白沙細石狀若霜雪
水木相映泉石爭暉名曰樓林紫谿東南流逕桐

水經注箋

卷四十

三

四百十四

廬縣東爲桐谿孫權藉谿之名以爲縣目割富春
之地立桐廬縣自縣至於潛凡十有六瀨第二是
嚴陵瀨瀨帶山山下有石室漢光武帝時嚴子陵
之所居也故山及瀨皆卽人姓名之山下有盤石
周迴十數丈交枕潭際蓋陵所游也桐廬谿又東
北逕新城縣入浙江縣故富春也孫權省并桐廬
咸和元年復立爲縣浙江又東北入富陽縣故富
春也晉后名春改曰富陽也

晉書宣穆張皇后諱
春華生景帝文帝故

諱春字曰陽而春秋曰
陽秋富春曰富陽也

東分爲湖浦浙江又東北

逕富春縣南縣故王莽之誅歲也江南有山孫武

皇之先所葬也漢末墓上有光如雲氣屬天黃武四年孫權以富春為東安郡分置諸縣以討士宗

吳志云黃武五年秋分三郡惡地十縣置東安郡治富春以全琮為太守平討山越又全琮傳云是時丹陽吳會山民復為寇賊攻沒屬縣權分三郡險地為東安郡琮領太守招誘降附數年中得萬餘人此云以討士宗疑是字誤浙江又東北逕亭山西山上有孫

權父冢

北過餘杭東入于海

浙江逕縣左合餘干

孫云疑作餘杭

大谿江北即臨安縣

界水北對郭文宅宅傍山面谿宅東有郭文墓晉

武元年驃騎王導迎文置之西園文逃此而終

注箋 卷四十

四

安令改葬之

晉書郭文字文舉河內軹人少愛山水尚嘉遯鹿裘葛巾區種菽麥

竹葉木實質塩以自供王導聞其名迎置西園七年未嘗出入一旦逃歸臨安後以病卒建

武十六年縣民郎雅亂賀齊討之孫權分餘杭立

臨水縣晉改曰臨安縣因岡為城南門尤高謝安

蒞郡遊縣逕此門以為難為亭長浙江又東逕餘

杭故縣南新縣北秦始皇南遊會稽途出是地因

立為縣王莽之進睦也漢末陳渾移築南城縣後

谿南大塘即渾立以防水也縣南有三碑是顧颺

范甯等碑縣南有大壁山

孫云疑作大滌山

郭文自陸渾

遷居也浙江又東逕烏傷縣北王莽改曰烏孝郡

國志謂之烏傷異苑曰東陽顏烏以淳孝著聞後有羣烏銜鼓集顏烏所居之邨烏口皆傷一境以爲顏烏至孝故致慈烏欲令孝聲遠聞又名其縣曰烏傷矣異苑云羣烏銜鼓集顏所居村烏口皆傷一境以爲顏至孝故致慈烏來萃銜鼓之故今襲者遠聞卽於鼓處立縣名爲烏傷王莽改爲烏孝以章其行迹云浙江又東

北流至錢塘縣穀水入焉水源西出太末縣縣是越之西部姑蔑之地也秦以爲縣王莽之末治也吳寶鼎中分會稽立東陽郡穀水東逕獨松故塚下塚爲水毀其塼文筮言吉龜言凶百年墮水中今則同龜絲矣穀水又東逕長山縣南與永康水

水經注箋

卷四十

合縣西

宋本作卽

東陽郡治也縣漢獻帝分烏傷立郡

吳寶鼎中分會稽置城君

當作居

山之陽或謂之長

仙縣也言赤松采藥此山因而居之故以爲名後傳呼乖謬字亦因改谿水南出永康縣縣赤烏中分烏傷上浦立劉敬叔異苑曰孫權時永康縣有人入山遇一大龜卽束之以歸龜便言曰游不量時爲君所得擔者怪之載出欲上吳王夜宿越里纜船於大桑樹宵中樹忽呼龜曰元緒奚事爾也龜曰行不擇日今方見烹雖盡南山之樵不能潰我樹曰諸葛元遜識性淵長必致相困令求如我

之徒計將安泊龜曰子明無多辭既至建業權將
煮之燒柴萬車龜猶如故諸葛恪曰然以老桑乃
熟獻人仍說龜言權使伐桑取煮之卽爛故野人
呼龜曰元緒其水飛湍北注至縣南門入穀水穀
水又東定陽谿水注之上承信安縣之蘇姥布縣
本新安縣晉武帝太康三年改曰信安水懸百餘
丈瀨勢飛注狀如瀑布瀨邊有如石牀牀上有石
牒長三尺許有似雜采帖也東陽記云信安縣有
縣室坂晉中朝時有民王質伐木至石室中見童
子四人彈琴而歌質因留倚柯聽之童子以一物

水經注箋

卷四十

六

四百十二

如棗核與質質含之便不復饑俄頃童子曰其歸
承聲而去斧柯濯然爛盡旣歸質去家已數十年
親情凋落無復向時比矣其水分納衆流混波東
逝逕定陽縣夾岍緣谿悉生支竹及芳枳木連雜
以霜菊金橙白沙細石狀如凝雪石溜湍波浮響
無輟山水之趣尤深人情縣漢獻帝分信安立谿
亦取名焉谿水又連逕長山縣北北對高山山下
水際是赤松羽化之處也炎帝少女追之亦俱仙
矣後人立廟於山下

列仙傳云赤松子神農時雨師也服水玉以教神農能入

火自燒常止西王母石室中隨風雨谿水又東入

上下炎帝少女追之亦得仙俱去

于穀水又東逕烏傷縣之雲黃山山下臨谿水水際石壁傑立高一百許丈又與吳寧谿水合水出吳寧縣下逕烏傷縣入穀謂之烏傷谿水閩中有徐登者女子化爲丈夫與東陽趙昞並善越方越方卽封禪書所謂越巫越祝者也時遭兵亂相遇於谿各示所能登先禁谿水爲不流昞次禁枯柳柳爲生萸二人相示而笑登年長昞師事之後登身故昞東入章安百姓未知昞乃升茅屋支鼎舊本作梧鼎而爨主人驚怪昞笑而不應屋亦不損又嘗臨水求渡船人不許昞乃張蓋坐中長嘯呼風亂流而濟於是百

水經注箋

卷四十

姓神服從者如歸章安令惡而殺之民立祠於永寧而蚊蚋不能入昞秉道懷術而不能全身避害

事同萇弘宋元之龜

左傳定三年諸侯城成周三句而畢晉女叔寬曰周萇弘

齊高張皆將不免萇叔違天高子違人天之所懷不可支也衆之所爲不可好也哀三年萇弘事劉文公趙鞅以爲討六月周人殺萇弘韓非子云關龍逢斬萇弘分脰尹子奔於棘莊子云萇弘死於蜀藏其血三年而化爲碧史記宋元王得神龜衛平請剝之以爲大寶詳龜策傳厄運之

來故難救矣穀水又東入錢塘縣而左入浙江故

地理志曰穀水自太末東北至錢塘入浙江是也

浙江又東逕靈隱山山在四山之中有高崖洞穴

左右有石室三所又有孤石壁立大三十圍其上

開散狀似蓮花昔有道士長往不歸或因以稽留
爲山號山下有錢塘故縣浙江逕其南王莽更名
之曰泉亭地理志曰會稽西部都尉治錢塘記曰
防海大塘在縣東一里許郡議曹華信家議立此
塘以防海水始開幕有能致一斛土者卽與錢一
千旬月之間來者雲集塘未成而不復取於是載
土石者皆棄而去塘以之成故改名錢塘焉縣南
江側有明聖湖父老傳言湖有金牛古見之神化
不測湖取名焉縣有武林山武林水所出也闕駟
云山出錢水東入海吳地記言縣唯浙江今無此

水經注箋

卷四十

八

三百九十八

水縣東有定已

孫云已疑作包

諸山皆西臨浙江水流於

兩山之間江川急濬兼濤水晝夜再來來應時刻
常以月晦及望尤大至二月八月最高峨峨二丈
有餘吳越春秋以爲子胥文種之神也昔子胥死
於吳而浮尸於江吳人憐之立祠於江上名曰胥
山吳錄曰胥山在太湖邊去江不百里故曰江上
文種城於越而伏劍於山陰越人哀之葬於重山
文種旣葬一年子胥從海上負種俱去游夫江海
故潮水之前揚波者伍子胥後重水者大夫種是
以枚乘曰濤無記焉然海水上潮江水逾流似神

而非於是處焉秦始皇三十七年將遊會稽至錢塘臨浙江所不能渡故道餘杭之西津也

史記秦始皇

過丹陽至錢塘臨浙江水波惡乃西百二十里從狹中渡上會稽

浙江北合詔息

湖湖本名乍湖因秦始皇帝巡狩所憩故有詔息

之名也浙江又東合臨平湖異苑曰晉武時吳郡

臨平坼崩出一石鼓打之無聲以問張華華曰可

取蜀中桐材刻作魚形扣之則鳴矣於是如言聲

聞數十里劉道民詩曰事有遠而合蜀桐鳴吳石

傳言此湖草穢壅塞天下亂是湖開天下平孫皓

天璽元年吳郡上言臨平湖自漢末穢塞今更開

水經注箋

卷四十

九

四百〇三

通又於湖邊得石函函中有小石青白色長四寸

廣二寸餘刻作皇帝字於是改天冊為天璽元手

孫盛以為元皇中興之符徵五湖之石瑞也錢塘

記曰桓玄之難湖水色赤熒熒如丹湖水上通浦

陽江下注浙江名曰東江行旅所從以出浙江也

又逕會稽山陰縣有苦竹里里有舊城言勾踐封

范蠡子之邑也浙江又東與蘭谿合湖南有天柱

山湖口有亭號曰蘭亭亦曰蘭上里太守王羲之

謝安兄弟數往造焉吳郡太守謝勗封蘭亭侯蓋

取此亭以為封號也太守王廙之移亭在水中晉

司空何無忌之臨郡也起亭於山椒極高盡眺矣
亭宇雖壞基陛尚存浙江又逕

脫一越字

王允常冢北

冢在木客村者彥云勾踐使工人伐榮楯欲以獻
吳父不得歸工人憂思作木客吟後人因以各地
勾踐都琅琊欲移允常冢冢中生分風飛沙射人
人不得近勾踐謂不欲遂止浙江又東北得長湖
口湖廣五里東西百三十里泂湖開水門六十九
所下溉田萬頃北瀉長江湖南有覆斗山周五百
里北連鼓吹山山西枕長谿谿水下注長湖山之
西嶺有賀臺越入吳還而成之故號曰賀臺吳又

水經注箋

卷四十

十

四百十

有秦望山在州城正南為衆峯之傑陟境便見史
記云秦始皇登之以望南海自平地以取山頂七
里懸磴孤危徑路險絕記云拔蘿捫葛然後能升
山上無高木當由地迥多風所致山南有嶠峴峴
裏有大城越王無餘之舊都也故吳越春秋云勾
踐語范蠡曰先君無餘國在南山之陽社稷宗廟
在湖之南又有會稽之山古防山也亦謂之為茅
山又曰棟山越絕云棟山鎮也蓋周禮所謂揚州
之鎮矣山形四方上多
多瑛石山海經曰
夕水出焉南流注于湖

南山經云會稽之山則防其土多金王

之山則防

勺水出焉南流注于溟

吳越春秋稱覆釜山之中有金簡玉

字之書黃帝之遺識也山下有禹廟廟有聖姑像

禮樂緯云禹治水旱天賜神女聖姑即其像也山

上有禹冢昔大禹即位十年東巡狩崩于會稽因

而葬之有鳥來為之耘春拔艸根秋啄其穢是以

縣官禁民不得妄害此鳥犯則刑無赦山東有劓

去廟七里深不見底謂之禹井云東遊者多探其

穴也秦始皇登稽山刻石紀功尚存山側孫暢之

述征書云丞相李斯所篆也又有石山石形似

引此作石賈山石形似匱云云上有金簡玉字之書言衍夏禹發

水經注箋

卷四十

之得百川之理也又有射的山遠望山的狀若射

侯故為射的射的之西有石室名之為射堂年登

否常占射的以為貴賤之準的明則米賤的闇則

米貴故諺云射的白斛米百射的玄斛米千北則

石帆山山東北有孤石高二十餘丈廣八丈望之

如帆因以為名北臨大湖水深不測傳與海通何

次道作郡常於此水中得烏賊魚南對精廬上蔭

修水當作木下瞰寒泉西連稽山皆一山也東帶若

邪谿吳越春秋所謂歐冶孫云疑以成五劍谿

水上承嶠峴麻谿谿之下孤潭周數畝甚清深有

孤石臨潭垂崖俯視後狹驚心寒木被潭森沈駭
觀上有一櫟樹謝靈運與從弟惠連常游之作連
句題刻樹側麻潭下注若邪谿水至清照衆山倒
影窺之如畫漢世劉寵作郡有政績將解任去治
父老人持百錢出送寵各受一文然山栖遯逸之
士谷隱不羈之民有道則見物以感遠爲貴荷泉
致意故受者以一錢爲榮豈藉費也義重故耳谿
水下注大湖邪谿之東又有寒谿谿之北有鄭公
泉泉方數丈冬溫夏涼漢太尉鄭弘宿居潭側因
以名泉弘少以苦節自居恒躬采伐用貿糧膳每

出入谿津常感神風送之雖憑舟自運無杖楫之
勞邨人貪藉風勢常依隨往還有淹留者徒輩相
謂汝不欲及鄭風邪其感致如此湖水自東亦注
江通海水側有白鹿山山北湖塘上舊有亭吳黃
門郎吳哀明居於弘訓里太守張景數往造焉使
開瀆作埭埭之西作亭亭埭皆以楊爲名孫恩作
賊從海來楊亭被燒後復修立厥名猶在東有銅
牛山山有銅穴三十許丈穴中有大樹神廟山上
有冶官山北湖下有練塘里吳越春秋云勾踐鍊
冶銅錫之處采炭於南山故其間有炭瀆今縣巨

吳王封勾踐於越百里之地東至炭瀆是也縣南

九里有侯山山孤立長湖中晉車騎將軍孔敬康

少時遜世栖迹此山孔躡會稽志云孔愉字敬康

射以論議守正為王導所銜出為會稽內史在郡

三年乃營山陰湖南侯山下數畝地為宅草屋數

閩便棄湖北有三小山謂之鹿野山在縣南六里

按吳越春秋越之麋苑也山有石室言越王所游

息處矣縣湖北有陳音山楚之善射者曰陳音越

王問以射道又善其說乃使簡士習射北郊之外

吳越春秋范蠡進善射者陳音楚人也王曰善子

水經注箋

卷四十

十三

四百六十一

春秋音死葬於國西山上今陳音山乃在國南五

里湖北有射堂及諸邸舍連衍相屬又於湖中築

塘直指南山北即大越之國秦改為山陰縣會稽

郡治也太史公曰禹會諸侯計於此命曰會稽者

會計也始以山名因為地號夏后少康封少子杼

以奉禹祠為越世歷殷周至於允常列於春秋允

常卒勾踐稱王都於會稽吳越春秋所謂越王都

埤中在諸暨北界山陰康樂里有地名邑中者是

越事吳處故北其門以東為右西為左故雙闕在

北門外闕北百步有雷門門樓兩層勾踐所造時

有越之舊木矣州郡館宇屋之大瓦亦多是越時
故物勾踐霸世徙都瑯邪後爲楚伐始還浙東城
東郭外有靈汜下水甚深舊傳下有地道通於震
澤又有勾踐所立宗廟在城東明里中其滂南又
有玉笥竹林雲門天柱精舍竝疏山創基架林栽
宇澗延流盡泉石之好水流逕通浙江又北逕山
陰縣西西門外百餘步有怪山本瑯琊郡之東武
縣山也飛來徙此壓殺數百家吳越春秋稱怪山
者康武當作東武海中山也一名自來山百姓怪之號
曰怪山亦云越王無疆爲楚所伐去瑯琊山東武

人隨居山下遠望此山其形似龜故亦有龜山之
稱也越起靈臺於山上又作三層樓以望雲物越絕

書云龜山高四十六丈五尺二寸周五百三十二
步今東武里一曰怪山往古此山一夜自來民怪
之故謂之怪山一云勾踐起怪游
臺以灼龜又仰望天氣觀天怪也川土明秀亦爲

勝地故王逸少云從山陰道上猶如鏡中行也浙
江之上又有大吳王小吳王邨竝是闔閭夫差伐
越所舍處也今悉民居然猶存故目昔越王爲吳
所敗以五千餘衆栖于稽山卑身待士施必及下
呂氏春秋曰越王之栖於會稽也有酒投江民飲
其流而戰氣自倍所投卽浙江也許慎晉灼竝言

江水至山陰爲浙江江之西岸有朱室堤

宋本作塢

踐百里之封西至朱室爲此也

吳越春秋云勾踐臣吳七年而歸越

吳封地百里於越東至炭瀆西止周宗南造於山北薄於海此注作朱室所未詳也

浙江又

東北逕重山西大夫文種之所葬也山上有白樓

亭亭本山下縣令殷朗移置今處沛國桓儼避地

會稽聞陳業履行高潔往候不見儼後浮海南入

交州臨去遺書與業不因行李繫白樓亭柱而去

升陟遠望山湖滿目也未建中陽羨周嘉上書以

縣遠赴會至難求得分置遂以浙江西爲吳以東

爲會稽漢高帝十一年亦

當作

吳也後分爲三世

水經注箋

卷四十

號三吳吳興吳郡會稽其一焉浙江又東逕禦兒

鄉萬善歷曰吳黃武六年正月獲彭綺是歲由拳

西鄉有產兒隨便能語

謝云宋本作墮地便能語

云天明河欲

清腳折金乃生是因詔爲語兒鄉非也禦兒之名

遠矣蓋無智之徒因藉地民生情穿鑿耳國語曰

勾踐之地北至禦兒是也安得引黃武證地哉韋

昭曰越北鄙在嘉興浙江又東逕柴辟南舊吳楚

之戰地矣備候於此故謂之辟塞是以越絕稱吳

故從由拳辟塞渡會夷湊山陰是也浙江又逕固

陵城北昔范蠡築城於浙江之濱言可以固守謂

之固陵今之西陵也浙江又東逕祖塘謂之祖瀆昔太守王朗拒孫策數戰不利孫靜果說策曰朗

魚阻守難可卒拔祖瀆去此數十里陸游會稽志祖瀆屬蕭山

縣是要道也若從此出攻其無備破之必矣策從

之破朗於固陵有西陵湖亦謂之西城湖湖西有湖城山東有夏架山湖水上承妖臯谿而下注浙

江又逕永興縣南縣在會稽東北一百二十里也

闔閭弟夫槩之故邑也王莽之餘衍也漢末童謠

云天子當興東南三餘之間故孫權改曰元興縣

濱浙江又東合浦陽江江水之導源烏傷縣又東

水經注箋 卷四十 十六 四百六十一

逕諸暨縣與洩谿合谿廣數丈中道有兩高山夾

谿造雲壁立凡有三洩洩懸三十餘丈廣十丈中

二洩不可得至登山遠望乃得見之下洩懸百餘

丈水勢高急聲震水外上洩懸二百餘丈望若雲

垂此是瀑布土人號為洩也陸游會稽志引水經注云浦陽浙江東逕

諸暨縣與泄溪合溪廣數丈中道有兩高山夾溪造雲壁立凡有三泄水勢高急聲震水外上洩高

二百餘丈望若雲垂此是瀑布土人號為泄爾又

按輿地志云五泄溪在諸暨縣西五十里山峻而

有五級故以為名下泄垂三十丈廣十丈中三泄

不可踰度登他山望始見之上泄垂百餘丈聲如

震江又東逕諸暨縣南縣臨對江流江南有射堂縣北帶烏山故越地也夫槩王之故邑先名上

諸暨亦曰勾吳矣故國語曰勾踐之地南至勾吳
王莽之疎虜也夾水多浦浦中有大湖春夏多水
秋冬涸淺江水又東南逕剡縣與白石山水會山
上有瀑布懸水三十丈下注浦陽江浦陽江水又
東流南屈又東迴北轉逕剡縣東王莽之盡忠也
縣開東門向江江廣二百餘步自昔耆舊傳縣不
得開南門開南門則有賊盜江水翼縣轉注故有
東渡西渡焉東南二渡通臨海並汎單船爲浮航
西渡通東陽併二十五船爲橋航江邊有查浦浦
東行二百餘里與句章接界浦裏有六里有五百

水經注箋

卷四十

十七

客
四百〇二

家並夾浦居列門向水甚有良田有青谿餘洪谿
大發谿小發谿江上有谿六谿列溉散入江夾谿

上下崩崖若傾東有簞山

會稽志云簞山在嵎縣東三十一里孔曄云山

遙望之如鋪簞也

南有黃山與白石三山爲縣之秀峯山

下衆流前導湍石激波浮嶮四注浦陽江又東逕
石橋廣八丈高四丈下有石井口徑七尺橋上有
方石長七尺廣一丈二尺橋頭有磐石可容二十
人坐谿水兩傍悉高山山有石壁二十許丈谿中
相攻轟響外發未至橋數里便聞其聲江水北逕
嵎山山下有亭亭帶山臨江松嶺森蔚沙渚平靜

浦陽江又東北逕始寧縣嶧山之成工嶠嶠壁立
臨江歆路峻狹不得併行行者牽木稍進不敢俯
視嶠西有山孤峯特上飛禽罕至嘗有采藥者公
山見通谿尋上於山頂樹下有十二方石地甚方
潔會稽志引此注還復更尋遂迷前路言諸仙之
所憩讌故以壇讌名山嶠北有嶧浦浦口有廟廟
甚靈驗行人及樵伐者皆先敬焉若相侵竊必爲
蛇虎所傷北則嶧山與嶧山接二山雖曰異縣而
峯嶺相連其間傾澗懷煙泉谿引霧吹畦風馨觸
岫延賞是以王元琳謂之神明境事備謝康樂山

水經注笺

卷四十

居記浦陽江自嶧山東北逕太康湖車騎將軍謝

玄田居所在

會稽志引水經注作謝玄舊居

右濱長江左傍連山

平陵脩通澄湖遠鏡於江曲起樓樓側悉是桐梓

森聳可愛居民號爲桐亭樓樓兩面臨江盡升眺

之趣蘆人漁子汎濫滿焉湖中築路東出趣山路

甚平直山中有三精舍高甍凌虛垂簷帶空俯眺

平林煙杳在下

會稽志引此注云俯眺平煙杳然在下

水陸寧晏足

爲避地之鄉矣江有琵琶圻圻有古冢隨

當作水

甍有隱起字云筮吉龜凶八百年落江中謝靈運

取甍詣京咸傳觀焉乃如龜繇故知冢已八百年

矣浦陽江又東北逕始寧縣西本上虞之南鄉也漢順帝永建四年陽羨周嘉上書始分之舊治水西常有波湖之患晉中興之初治今處縣下有小江源出岬山謂之岬浦逕縣下西流注于浦陽葆山下注此浦浦西通山陰浦而達于江江廣百里謝云宋本作江廣百丈黃本作江廣一百固誤吳改作百里亦非也狹處二百步高山帶江重蔭被水江閱漁商川交樵隱故桂棹蘭

棹望景爭途江南有故城太尉劉牢之討孫恩所築也江水東逕上虞縣南至王莽之會稽也本司鹽都尉治也地名虞賓晉太康地記曰舜避丹朱

水經注箋

卷四十

於此故以名縣百官從之故縣北有百官橋亦云禹與諸侯會事訖因相虞樂故曰上虞二說不同未詳孰是縣南有蘭風山山少木多石驛路帶山傍江路邊皆作欄干山有三嶺枕帶長江茗茗孤危望之若傾緣山之路下臨大川皆作飛閣欄干乘之而渡謂此三嶺為三石頭丹陽葛洪遯世居之基并存焉琅邪王方平性好山水又愛宅舊本宅蘭風垂釣於此以詠終朝行者過之不識問曰賣魚師得魚賣否方平答曰釣亦不得復不賣亦謂是水為上虞江縣之東郭外有漁浦湖中有

大獨小獨二山又有覆舟山覆舟山下有漁浦王廟廟今移入裏山北

一作此

三山孤立水中湖外有

青山黃山澤蘭山重岫疊嶺參差入雲澤蘭山頭有深潭山影臨水水色青綠山中有諸塢有石榭一所右臨白馬潭潭之深無底傳云創湖之始邊塘屢崩百姓以白馬祭之因以名水湖之南卽江津也江南有上塘陽中三里隔在湖南常有水患太守孔靈符過蜂山前湖以爲埭埭下開瀆直指南津又作水榭二所以舍此江得無淹瀆之害縣東有龍頭山山崖之間有石井冬夏常冽清泉南帶

水經注箋

卷四十

二十

三百九十四

長江東連上陂江之道南有曹娥碑娥父盱逆濤

溺死娥時年十四哀父尸不測

宋本作不得

乃號踴江

介因解衣投水祝曰若值父尸衣當沈若不值衣

當浮裁落便沈娥遂於沈處赴水而死縣令度尚

使外甥邯鄲子禮爲碑文以彰孝烈江濱有馬目

山洪濤一上波隱是山勢淪嵒亭間歷數縣行者

難之縣東北上亦有孝子楊威母墓威少失父事

母至孝常與母入山采薪爲虎所逼自計不能禦

於是抱母且號且行虎見其情遂偃耳

舊本作耳

而

去自非誠貫精微孰能理感于英獸矣又有吳瀆

破山導源注於胥江上虞江東逕周市而注永興
地理志曰縣有仇亭柯水東入海仇亭在縣之東
北一十里江北柯水疑卽江也又東北逕永興東
與浙江合謂之浦陽江地理志又云縣有蕭山潘
水所出東入海又疑是浦陽江之別名也自外無
水以應之浙江又東注于海故山海經曰浙江在
其東在閩西北入海韋昭以松江浙江浦陽江爲
三江

斤江水出交趾龍編縣東北至鬱林領方縣東注于
鬱

水經注箋 卷四十 二十一 振 三百三十一

地理志云逕臨塵縣至領方縣注于鬱

容容夜繻湛乘牛渚須無無濡營進皇無地零侵黎
侵黎水出廣州晉興郡郡以太康中分鬱林置得
至臨塵入鬱

無會重瀨夫省無變由蒲王都融勇外此皆出日南

郡西東東入于海 漢地理志日南郡有小水十六并
行三千一百八十里屬交州此無

會諸水蓋十
六水之名也

容容水在南垂名之以次轉北也右三十水從江
巴南至日南郡也

嵩高爲中嶽在潁川陽城縣西北

春秋說題辭曰陰含陽故石凝為山國語曰禹封九山山土之聚也爾雅曰山大而高曰崧合而言之為崧高分而名之為二室西南為少室東北為太室嵩高山記曰山下巖中有一石室云有自然經書自然飲食又云山有玉女臺言漢武帝見因以名臺輿地志少室山石室內有自然經書自然飲食紀異志嵩山有玉女擣帛石立秋前一日中夜常聞杵聲

泰山為東嶽在泰山博縣西北

岱宗也王者封禪於其山示增高也有金策玉檢

之事焉應劭漢書注云王者功成治定告成功於天登封太山刻石紀號有金冊石函金泥

水經注箋 卷四十 二十三 三百九十二

玉檢之封焉

霍山為南嶽在廬江灑縣西南

天柱山也爾雅云大山宮小山曰霍開山圖曰其

山上侵神氣下固竅泉郭璞爾雅注云霍山在灑縣別名天柱山漢武以衡

山遼遠識緯以霍山為岳故祭之

華山為西嶽在弘農華陰縣西南

古文之惇物山也禹貢云終南惇物至于鳥鼠墳

物當之然西傾朱圉鳥鼠至於太華已記之矣漢書云惇物山垂山也豈垂華字相亂邪

雷首山在河東蒲坂縣東南

砥柱在河東大陽縣東河中

王屋山在河東垣曲縣東北也

昔黃帝受丹訣於是山也

抱朴子云黃帝陟王屋而授丹經到鼎湖而飛

流珠登崆峒而問廣成

太行山在河內野王縣西北

王烈得石髓處也

神仙傳王烈字長休邯鄲人嘗之太行山見山破石裂數百丈

兩畔皆青石石中一穴有青泥流出如髓烈取泥試丸之須臾成石嚼之氣如粳米飯用攜少許示

稽叔夜

恒山為北嶽在中山上曲陽縣西北

碣石山在遼西臨渝縣南水中也

大禹鑿其石右夾而納河秦始皇漢武帝皆嘗登

水經注箋

卷四十

二十三

三百五十五

之海水西侵歲月逾甚而苞其山故言水中矣

析城山在河東濩澤縣西南

太嶽山在河東永安縣

漢地理志河東郡魏城縣有霍太山在東

壺中山在河東北屈縣東南

禹貢云壺口雷首至于太岳漢地理志壺口在

河東北屈縣東南此云壺中字為也

龍門山在河東皮氏縣西

禹貢浮于積石至于龍門西河孔安國曰龍門山在

河東之西界

梁山在馮翊夏陽縣西北河上

荆山在馮翊懷德縣南

岐山在扶風美陽縣西北

山在扶風汧縣之西也

禹貢無關山漢志扶風汧縣有吳山在西古文以為

汧山周禮雍州之鎮曰嶽山鄭云吳嶽也

隴山終南山惇物山在扶風武功縣西南也

須山在隴西臨洮縣西南

漢地理志臨洮縣有頃山在縣西南讀曰傾此作須

譌

禹貢中條山也

禹貢西傾因桓是來馬融王肅禹貢說云岍為北條西傾中條蟠冢

南條凡三條也

蟠冢山在隴西氐道縣之南

南條山也

鳥鼠同穴山在隴西首陽縣西南

水經注箋

卷四十

二十四

三百五十一

鄭玄曰鳥鼠之山有鳥焉與鼠飛行而處之又有

止而同穴之山焉是二山也鳥名為鶡似鷄而黃

黑色鼠如家鼠而短尾穿地而共處鼠內而鳥外

孔安國曰共為雌雄杜彥達曰同穴止宿養子互

相哺食長大乃止張晏言不相為牝牡故因以名

山

沈約宋書沙州其谷嶺北有雀鼠同穴或在山嶺或在平地雀色白鼠色黃地生黃紫花草便

有雀鼠穴此雖非本注存之以廣異聞

積石在隴西河關縣西南

山海經云山在鄧林東河所入也

都野澤在武威縣東北

縣在姑臧城北三百里東北卽休屠澤也古文以爲豬野也禹貢原隰底績至于豬野其水上承姑臧武始澤澤

水二源東北流爲一水姑臧縣故城西東北流水

側有靈源池宋本作靈淵池王隱晉書曰漢末博士燉煌

侯瑾善內學語弟子曰涼州城西泉水當竭有霍

闕其上至魏嘉平中武威太守條茂起學舍築闕

於此泉太守填水造起門樓與學闕相望泉源徙

發重導於斯故有靈淵之名也澤水又東北流逕

馬城東城卽休屠縣之故城也本匈奴休屠王都

謂之馬城河又東北與橫水合水出姑臧城下武

水經注箋 卷四十一 二十五 三百九十八 七

威郡涼州治地理風俗記曰漢武帝元朔三年改

雍曰涼州以其金行土地寒涼故也遷于冀晉徙

治此王隱晉書曰涼州有龍形故曰臥龍城南北

七里東西三里本匈奴所築也乃張氏之世居也

又增築四城箱各千步東城殖園果命曰講武場

北城殖園果命曰玄武圃皆有宮殿中城內作四

時宮隨節游幸并舊城爲五街衢相通二十二門

大繕宮殿觀閣采綺妝飾擬中夏也其水側城北

流注馬城河河水又東北清澗水入焉俗亦謂之

爲五澗水也水出姑臧城東而西北流注馬城河

河水又與長泉水合水出姑臧東楫次縣王莽之
播德也西北歷黃沙阜而東北流注馬城河又東
北逕宣威縣故城南楫次當作楫次按漢地理志
楫次縣屬武威郡孟康云楫
音子如反次音咨
宣威縣亦屬武威又東北逕平澤晏然二亭東又
東北逕武威縣故城東漢武帝太初四年匈奴渾
邪王殺休屠王以其衆置武威縣武威郡王莽更
名張掖地理志曰谷水出姑臧南山北至武威入
海屆此水流兩分一水北入休屠澤俗謂之爲西
海一水又東逕一百五十里入豬野世謂之東海

通謂之都野矣

水經注箋

卷四十

三十六

三百八十八

合離山在酒泉會水縣東北

合黎山也

禹貢導弱水至于合黎餘波入于流沙
漢地理志張掖郡剛丹縣注云桑欽以

爲導弱水自此
西至酒泉合黎

流沙地在張掖居延縣東北

居延澤在其縣故城東尚書所謂流沙者也形如
月生五日也弱水入流沙流沙與水流行也亦言
出鍾山西行極崦嵫之山在西海郡北山有石赤
白色以兩石相打則水潤打之不已潤盡則火出
山石皆然炎起數丈逕日不滅有大黑風自流沙
出奄之乃滅其石如初言動火之事發疾經年故

不敢輕近耳流沙又逕浮渚歷壑市之國又逕于
鳥山之東朝雲國西歷崑山西南出于過瀛之山
大荒西經云西南海之外流沙出焉逕夏后開開
上三嬪于天得九辯與九歌焉山海經曰赤水之
南流沙之西有人
瑀兩青蛇乘兩龍名曰夏后開開
上三嬪于天得九辯與九歌以下又歷負丘不死
之西入于南海據宋本
補六字

三危山在燉煌縣南

山海經曰三危之山三青鳥居之是山也廣圓百
里在鳥鼠山西即尚書所謂窻三苗于三危也春
秋傳曰允姓之姦居于瓜州瓜州地名也杜林曰

水經注箋

卷四十

燉煌古瓜州也州之貢物地出好瓜民因氏之瓜
州之戎并於月氏者也漢武帝後元分酒泉置南
七里有鳴沙山故亦曰沙州也

朱圉山在天水北冀縣南

禹貢西傾朱圉鳥鼠至于
太華漢地志朱圉山在冀

縣南梧中聚
莽曰冀治

即冀縣山有石鼓開山圖謂之天鼓山九州害起
則鳴有常應又云石鼓山有石鼓於星為河鼓星
動則石鼓鳴石鼓鳴則秦土有殃鳴淺殃萬物鳴
深則殃君王矣

岷山在蜀郡湔氐道西

漢書以為瀆山者也

漢書郊祀志曰自華以西

山鴻冢瀆山瀆山蜀之岷山也

蟠冢山在弘農盧氏縣南

是山也穀水出其北林也

中山經云傳山之西有林焉名曰蟠冢穀水出焉

東流注于洛塔音番

荆山在南郡臨沮縣東北

東條山也

漢地理志云禹貢北條荆山在馮翊襄德縣南其南條荆山在南郡臨沮縣東

北此云東條所未詳也

卞和得玉璞於是山楚王不理懷璧

哭於其下後玉人理之所謂和氏之玉焉

和氏璧事具韓

非

水經注箋

卷四十

三八

四百

內方山在江夏竟陵縣東北

禹貢注章山也

漢地志云江夏竟陵縣有章山在縣東北古文以為內方山

大別山在廬江安豐縣西南

禹貢內方至于大別孔傳云二山在荊州漢所

經也孫云荊州大別山在江夏郡此廬江大別疑非一山

外方山崧高是也

禹貢熊耳外方桐栢至于陪尾漢地志云崧高山在潁川崧高縣古

文以為外方山

桐栢山在南陽平氏縣東南

漢地志桐栢大復山在平氏縣東南淮水所出

陪尾山在江夏安陸縣東北

漢地志橫尾山在安陸縣東北古文以為陪尾

也

衡山在長沙湘南縣南

禹治洪水血馬祭衡山於是得金簡玉字之書按
省玉字得通水理也

吳越春秋禹登衡山血白馬以祭夢玄夷使者告以神書

九江地在長沙下雋縣西北雲夢澤在南郡華容縣

之東東陵地在廬江金蘭縣西北

前後漢志廬江郡無金蘭縣孫按漢志廬江郡注云金蘭西北有東陵鄉水經三十一卷注中有金蘭縣

敷淺原地在豫章歷陵縣西彭蠡澤在豫章彭澤縣北

尚書所謂彭蠡既豬陽鳥攸居也

中江在丹陽蕪湖縣南東至會稽陽羨縣入于海震

澤在吳縣南五十里北江在毗陵北界東入于海

嶧陽山在下邳縣之西

羽山在東海祝其縣南也

縣即王莽之猶亭也尚書殛鯀於羽山謂是山也

山西有禹淵當作羽淵禹父之所化其神為黃能以入

淵矣故山海經曰洪水滔天鯀竊帝之息壤以堙

水不待帝命帝令祝融殺鯀羽郊者也

陶丘在濟陰定陶縣之西南

陶丘丘再成也

清澤在定陶縣東雷澤在濟陰成陽縣西北清澤在

山陽湖陸縣南蒙山在太山蒙陰縣西南大野澤在
山陽鉅野縣東北大邳地在河南成臯縣北

爾雅曰山一成謂之邳然則大邳山名非地之名

也禹貢東過洛汭至于大伾鄭玄注云大伾在脩武武德之界張楫云成臯縣山也臣瓚漢書注云脩武武德無此山而成臯山又不

一成今黎陽縣山臨河是大伾也

明都澤在梁郡睢陽縣東北益州沱水在蜀郡汶江

縣西南其一在郫縣西南皆還入江荆州沱水在南

郡枝江縣三澨地之南在邛縣之北孫云沱當作沱漢志蜀郡汶江

縣注江沱在西南東入江南郡枝江縣注江沱出西東入江邛縣誤漢志南郡有邛縣疑轉寫謬也

尚書曰導漢水過三澨地說曰沔水東行過三澨

合流觸大別山陂故馬融會肅孔安國等

以為三澨水名也許慎言澨者埤增水邊土人所

止也按春秋左傳曰文公十有六年楚軍次于勾

澨以伐諸庸宣公四年楚令尹子越師于漳澨定

公四年左司馬戍敗吳師于雍澨昭公二十三年

司馬遠越益於蓬澨左傳作遠澨服虔或謂之邑又謂

之地京相璠曰杜預亦云水際及邊地名也今南

陽涇陽二縣之間涇水之濱有南澨北澨矣而諸

書論水陸相半又無山源出處之所津途關路

玄及劉澄之言在竟陵縣界經云邛縣北池

然池流多矣孫云池當作沱而論者疑焉而不能辨其在

右禹貢山水澤地所在凡六十

水經注卷

卷四十一

三十一

五十五

